


欽定天祿琳琅書目

一	一	二	漢書門
〇	六	四	
册	三	六	
架	號	函	

三	二	漢
函	四	書
六	三	
架	號	類

內閣文庫		
番號	漢	2463
冊數	10	(2)
函號	297	53



欽定天祿琳琅書目卷二

宋版史部


漢書

五函四
十四冊



漢班固撰唐顏師古注帝紀十二卷年表八卷志
十卷列傳七十卷共一百卷

宋景德二年七月中書門下牒又具載篇首結銜
為畢士安寇準王旦馮拯與監本附音春秋穀梁
註疏同而彼為景德二年六月此為七月故牒文
有顧茲三史繼彼六經之語書尾載淳化五年奉



勅刊正至道三年呂端等進書後又有景祐元年
余靖奉詔偕玉洙赴宗文院讐對嘉祐六年陳譚
重校歐陽修有詳雕印熙寧二年書成奏御各銜
名據此則淳化至道間校正之本在宋太宗時業
經雕印真宗景德年又經重刻仁宗景祐時復命
余靖等校正神宗嘉祐熙寧間經歐陽修詳定刊
成是北宋時官刻漢書已非一本而熙寧本為最
後然詳閱此書首葉牒文中慎字有缺筆係避宋
孝宗諱又凡遇完字皆缺筆係欽宗嫌名則名為

南宋時重刻之書非熙寧舊本攷朱彝尊經義攷
載宋葉夢得語曰淳化中以史記前後漢書付有
司摹印自是書籍刊鏤者益多又載宋李心傳語曰
監本書籍者紹興末年所刊也國家艱難以來固
未暇及九年九月張彥寶待制為尚書即始請下
諸道州學取舊監本書籍鏤版頒行從之然所
取者多殘闕故曾監刊六經無禮記正史無漢書
二十一年五月輔臣復以為言上謂秦益公曰監
中其他闕書亦令次第鏤版雖重有所費不惜也

由是經籍復全云云乃知宋代摹刻漢書始於淳
化而此則照熙寧本重付剞劂想即心傳所稱紹
興末年取刊之本直至孝宗之時校讐完備始得
次第成書耳當時詔勿惜費鄭重其事故書手刻
工皆屬上選摹印紙墨亦經加意取材必求精善
宜官刻之書無出其右者矣

御題內府藏舊刻書甚夥而前後漢書雕鐫紙墨並極
精妙寔為宋本之冠覽前人政語知舊為吳興趙孟頫
家物展轉流傳一歸之王世貞再歸之錢謙益王錢輩

大

皆精於賞鑒而愛惜珍貴至比之寶玉久乃良非虛語
每一繙閱楮墨猶香古今至寶真有神物護持耶乾隆
甲子仲秋之月御題鈴

寶三曰乾隆宸翰曰幾暇臨池曰稽古右文之璽又
御題冠冕琳琅矢祿收因刊書目閱從頭吳藏本自趙
魏國楚得重歸王弇州久入上方不知故茲編四庫職
其由舊杯新罈多佳玉卻笑無能大白浮乙未新正下
澣御題鈴

寶二曰幾暇怡情曰得佳趣中繪

御容鈐乾隆雙璽左方鈐

寶二曰德日新曰執兩用中

其由牒文前葉有趙孟頫像左方上書趙文敏公小像

下書長洲陸師道題於顧汝修芸閣考王世貞

州續稿載陸師道字子傳長洲人官尚寶少卿汝

修無考按明版秦漢印統有黃姬水序稱其書為

東川御醫顧公所纂厥嗣汝由光祿汝修鴻臚汝

和廷評共成之考松江志顧從禮字汝由顧從義

字汝和而不及汝修今卷中有顧從德印以從禮

從義證之當即汝修之名但姬水稱其官為鴻臚
而世貞跋以光祿稱之似誤以汝由之官屬之汝
修固不若姬水序其所著之書為可據也

明王世貞跋余平生所購周易禮記毛詩左傳史
記三國志唐書之類過三千餘卷皆宋本精絕最
後班范二漢書尤為諸本之冠桑皮紙白潔如玉
四旁寬廣字大者如錢絕有歐柳筆法細書絲髮
膚綴墨色精純一流瀟蓋自真宗朝刻之秘閣
特賜兩府而其人亦自寶惜四百年來手若未觸

者前有趙吳興小像當自吳興家入吾郡陸太宰
又轉入顧光祿失一莊而得之噫余老矣即以身
作蠹魚其間不惜又恐茲書之飽我而損也識其
末以示後人瑯琊王世貞元美甫重跋次頁繪像
旁有小楷書王弇州先生像六字不知何人筆考
明史陸太宰名完長洲人正德間官吏部尚書但
跋所稱真宗朝刻之秘閣係據書首牒文而言未
能審為南宋刊本且於書尾景祐以後重訂始末
皆未詳考也

王士騏跋此先尚書九友齋中第一寶也近為國
稅新舊併急不免歸之質庫中書此志愧明史載
士騏世貞子字罔伯舉鄉試第一登萬曆十七年
進士終吏部員外郎亦能文

錢謙益跋趙文敏家藏前後漢書為宋槧本之冠
前有文敏公小像太倉王司冠得之吳中陸太宰
家余以千金從徽人贖出藏弄二十餘年今年鬻
之四明謝象三床頭黃金盡生平第一殺風景事
也此書去我之日殊難為懷李後王去國聽教坊

興
雜曲揮淚別宮娥一段淒涼景色約畧相似癸未
中秋日書於平野堂又跋景山李維柱字本石本
寧先生之弟也書法撫顏魯公嘗語余若得趙文
敏家漢書每日焚香禮拜死則當以殉葬余深愧
其言右漢書二跋載古初學集中坦公司馬既得
此書屬余重錄於此又跋趙吳與家藏宋槧兩漢
書王弼州先生鬻一莊得之陸水村太宰家後歸
於新安富人余以千二百金從黃尚寶購之崇禎
癸未損二百金售諸四明謝氏庚寅之冬吾家藏

書盡為六丁下取此書却在人間然其流落不偶
殊可念也今年遊武林坦公司馬攜以見眎余縱
叟勸亟取之司馬家才架萬籤居然為壓庫物矣
嗚呼甲申之亂古今書史圖籍一大劫也吾家庚
寅之火江左書史圖籍一小劫也今吳中一二藏
書家零星捃摭不足當吾家一毛片羽見者誇詡
比于西陽羽陵書生餓眼但見錢在紙裏中可為
捧腹司馬得此十篋乃今時書庫中寶玉大弓當
令吳兒見之頭目眩暈舌吐而不能收不獨此書

得其所歸亦差可為絳雲主人開顏吐氣也劫灰
之後歸心空門爾時重見此書佛言昔年奇物經
歷年歲忽然復睹記憶宛然皆是藏識變現良非
虛語而呂不韋顧以楚弓人得為孔老之云豈為
知道者乎司馬精于佛學并以斯言驗之歲在戊
戌孟夏二十一日虞山蒙叟錢謙益重跋於武林
之報思院謙益人品不足稱而良於鑒古故於是
書三致意跋中取稱謝象三黃尚寶坦公司馬諸
人均無考惟李惟桂載蘇州府志京山人領鄉荐

嘉靖中為常教諭又卷中有黃正賓印印每用錢
謙益印鈐蓋其上正賓當即黃尚寶售此書于謙
益者收藏諸印中有鼎元伯雅潘允端諸印無考

鼎

元

朱文牒首紀二七 年表一三五七八
志一二四 五七上 七下 八九 傳一五九
十五十六 三十三 三十六 二十八 三十一 三十四

伯雅

朱文 牒首 志一
傳一 三十一 五十八

三十六 三十九 甲二 甲五 甲七 五十一
五十四 五十七 五十八 六十一 六十四 六十五
六十七 之七十

錢印

白文牒首紀六七年表一三五七八 忠一
二五 七上 七下 八九 傳一五九 二十六
二十七 三十三 三十六 三十八 三十一 三十四 三十六 三十九

四十二 四十五 四十七
五十一 五十四

潘印

白文
牒首

顧印

白文
紀一

黃印 白文
正賓 志四

後漢書

五函 四
十冊

帝后紀十卷 列傳八十卷 宋范蔚宗撰 志三十卷
晉司馬彪撰 梁劉昭注 補共一百二十卷

首載 乾興元年十一月中書門下牒文 文係孫奭
奏請刊印 後漢書并劉昭補志 奉勅今國子監依

奏施行 後列銜名 右諫議大夫 參知政事 兼給事

中參知政事 呂中書侍郎 兼禮部尚書 平章事 王

守司徒 兼侍中 無姓 考宋史 乾興元年七月 以王

曾為中書侍郎 同中書門下平章事 呂夷簡 會宗

道 參知政事 與牒尾三人 列銜 脗合 是年二月 丁

謂為司徒 兼侍中 六月 罷 按宋史 職官志 司徒為

宰相 親王 加官 而不常置 時丁謂 適罷 故闕其人

耳 此書於宋 諱桓 構 慎 瑗 諸字 皆缺 筆字 畫 欵 式

與前漢書 相同 版心 下方 刻書人 姓名 如 劉仲王

中陳仲等亦與前書相合蓋皆為紹興末年校刊而孝宗時成書者特以劉昭補志合刻始于乾興故仍列舊牒於書首

御題范書八志不傳後人雜取東觀漢記等書以補之蓋自宋以前無全本其不全者轉為仍古之舊宋本無八志者民間本也若此書有八志者學官本也乾隆御題鈐

寶一曰乾隆宸翰

前漢書王世貞錢謚益跋皆合此書而言諸印記

亦同

鼎元

朱文牒首紀一 一五 七 十一 志一
四十 十五 二十 三 五 傳一 四 七
十 五 六 八 二十 三 三 三 二

三十五 三十七 四十二 四六 四九 五十一
五十四 五十八 六十一 六十三 六十五 六十八
七十一 七十二 七十四 七十七 七十九

黃印

白文 牒首 紀五

錢印

白文 紀一 二 七 十 十一 志一 四 十五 二十 二十六
謙益 傳一 四 七 十 五 十七 二十 二十二 二十六 三十二

三十五 三十八 四十二 四十六
四十九 五十一 五十四

顧印

白文 紀一

伯雅 朱文 紀十一 志一
傳一 六十二 六十八

隋書

六函 六
十冊

帝紀五卷 列傳五十卷 唐魏徵撰 志三十卷 唐長孫無忌撰 共八十五卷

是書未載 刊刻年月 而於宋諱皆缺 筆其避廓字

乃寧宗嫌名 係南宋嘉定間刊本

御題此書字 跡紙質墨 潘與趙吳興 董華亭題跋 文選可稱 聯璧大內 貯宋本書 故多視此 並遜一籌 矣乾隆

甲子九秋御筆鈐

寶二曰 乾隆宸翰 曰 搗筆流雲藻

琴川毛氏泰興季氏藏本 有印記 又書堂胡氏印 無考

毛晉 朱文
秘篋 目錄

寶晉 白文
目錄

季印 朱文
振宜 目錄

淳葦 白文
目錄

毛姓 白文
秘式 紀一

毛鳳 白文
苞印

子晉 朱白間文
氏 紀一

季振宜 朱文 紀一 三
字 詵 衣 志一 三 七 之 十
魏 滄 蓆 傳 二 五 二 七

三十九 三十三
三十六 四十一
四十一 四十九
江左 朱文 季振宜 藏書
朱文 志二 四六十一
十六 十八 三十一 三十三
二十四 二十五 二十九 三十

傳四 八十一 御史 白文志三五十二
三十三 五十六 振宜 十四十七二十六二十八
五十一 之印 傳六十三十八
書堂 朱文 志七十一
胡氏 傳二十五 三十一

四十一
四十六

宋本 朱文傳一三六四十二
四十五 四十七 五十

闕補目錄 十八 十九 志二 二十 志二十四 三十一

唐書 十函 一百冊

本紀十卷志五十卷表十五卷宋歐陽修撰列傳
一百五十卷宋宗祁撰共二百二十五卷書首載
曾公亮進書表

考宋史仁宗嘉祐五年六月歐陽修等上新唐書
是書之末前載嘉祐五年六月二十四日進書銜
名提舉為曾公亮刊修為歐陽修宋祁編修官為
范鎮王疇宋敏求呂夏卿劉義叟後載是月二十
六日準中書劄子奉旨下杭州鏤版頒行富弼韓

欽定天祿琳琅書目

卷二

十一

琦曾公亮董其事校勘官為裴煜陳薦文同校對
官為吳申錢藻按宋葉夢得論天下印書有杭州
為上蜀本次之福建最下之語意當時新唐書成
朝廷重其事故特下枕鏤版詳閱此本行密字整
結構精嚴且於仁宗以上諱及嫌名缺筆甚謹不
及英宗以下其即為嘉祐奉勅所刊之本無疑印
紙堅緻瑩潔每葉有武侯之裔篆文紅印在紙背
者十之九似是造紙家印其姓為諸葛氏考宣城
諸葛筆最著而唐書載宣城紙筆並入土貢唐張

彥遠歷代名畫記亦稱好畫家宜置宣紙百幅用
法蠟之以脩摹寫則宣城諸葛氏亦或精於造紙
也

泰興季氏崑山徐氏藏本又有錢唐梁氏及李安
諸梅谷樹德堂諸印無考

宋本
朱文表首紀一四六八志一五九 十三
十五十七之十九 二十六 二十七 二十九 三十一 三十四
三十六 宋一 四六 四十九 表一 四七 十之十五

傳一四七九 十四十九 三十一二十五 四十五
四十七 五十一 五十五 六十四 六十九 七十三 七十七 八十二
八十七 九 九十四 九十九 百三 一百七 一百十五 一百十六

一百十九 一百二十三 一百三十九 一百四十七
一百三十五 一百三十九 一百四十一 一百四十八
一百四十七 一百四十八 一百五十一 一百五十九

乾學 朱文表首

徐健菴 白文表首

季印 振宜

朱文表首 紀一 表四 志五
十三 二十七 三十一 十四 三十三
十二 傳九

三十六 五十一 八十七 九十四
一百三十九 一百四十六 一百四十八
一百五十一 一百五十九

淳葦

朱文表首 紀一 四 志九
三十一 表一 四 十四 傳一

四十三 四十七 七十二 九十一
一百一十 一百一十一

季振宜 藏書

朱文 紀六 志一 十五 十八 二十四
三十四 四十一 四十六 四十九 表七 八
十二 十五 傳七 十九 二十四 三十七

五十七 六十四 六十九 八十二 九十九
一百三十一 一百三十二

御史 振宜 之印

白文 紀八 志七 十九 二十八 表十一 下
十二 中 之 十一 下 十四 下 之 十五 下 傳四

三十八 五十五 七十七 一百一十五 一百十九 一百二十三
一百三十六 一百三十一 一百三十九 一百四十一 一百四十八 書二下

李安詩 伯之克 齊藏書

朱文 傳二十五 二十六 五十六 五十七

錢唐梁 氏珍藏 書畫記

朱文

子孫 永用之

白文 俱傳二十五 三十六

梅谷 圖書

樹德 堂子 孫保之

俱白文 傳二十六 五十七

資治通鑑考異

一函 三冊

欽定天祿琳琅書目

卷二

十三

宋司馬光撰三十卷

晁公武郡齋讀書志光既成通鑑又參考異同俾歸一塗別為考異一編則考異本單行胡三省後取以入注耳考書成在元豐七年玉海載元祐七年詔諸路安撫鈐轄司并西京南京各賜通鑑一部是哲宗朝刻本已具今校書內欽宗以下諱俱不闕當是元祐槧也

御題是書字體渾穆且顏柳筆意紙質薄如焯翼而文埋堅緻為宋代所製無疑中間十二卷至第十八卷舊

理 焯

缺不知誰氏補抄幾與雕本莫辨皇媧煉石竟成完壁亦茲書之幸也乾隆甲子八月御識鈐寶三曰幾暇臨池曰稽古右文之璽曰含味經籍

書史會要建炎間劉夫人掌內翰文字及馮宸翰高宗甚眷之亦善書畫上用奉華堂印記又見陳善杭州志此本南渡初已入鑒藏更足徵為北宋本又倪淵乃元初人著周易集說易圖說卦說序例諸書黃潛文集有其墓志淵字仲深烏程人承務郎富陽縣尹三山教繼翁深于三禮而尤喜易

公從之游於節文度數之詳又變象占之妙靡不
博考洞究其史氏一印不載名而玉海有史焘通
鑑釋文三十卷考尚友錄焘字子熙眉山山人其父
清卿蘇氏兄弟以師事之未審是其人否也

奉華

朱文

吳興

白文

史氏家傳翰林朱文俱卷一之十一
收藏書画圖書章 卷九之三十一

關補

卷十二之
卷十八

資治通鑑綱目

六函
六十冊

宋朱子撰五十九卷前自序

宋陳振孫書錄解題載朱子綱目云刻于溫陵別
其綱謂之提要今版在監中廬陵所刊綱目並列
不復別也是書大書細注字畫分明即當時廬陵
刊本

御題涑水創為開義例紫陽述訂益精微直傳一貫天
人學兼揭千秋興廢機敬勝治今怠勝亂念茲是耳釋
茲非三編惟此遵網紀輯覽曾無越範圍錄出新安留
面目弄增天祿有光輝外王內聖斯誠備勿失服膺永
勅幾乾隆甲午仲殊月御筆鈐

欽定天祿琳琅書目

卷二

十五

寶二曰乾隆宸翰曰幾暇臨池前繪

御容鈐乾隆雙璽

卷後間有印記俱經割去不知誰氏所藏而補抄之葉紙潔字工竟無異於刊本則藏是書者必為好古之士書中雖有八冊以別本補入紙色印土稍遜而亦皆取之舊刻不相遠絕也

闕補卷一全卷九二之卷三十二十六卷五十四十七

一之卷五十七十四之卷五十九末

通鑑紀事本末十六函
八十四冊

宋袁樞編四十二卷有楊萬里序

宋史袁樞建之建安人試禮部詞賦第一乾道七

年除太學錄求外補出為嚴州教授嘗以司馬光

資治通鑑浩博乃區別其事而貫通之號通鑑紀

事本末參知政事龔良茂得其書奏上孝宗讀而

嘉嘆以賜東宮及分賜江上諸帥玉海載淳熙三

年詔取袁樞資治通鑑與陸贄奏議賜皇太子熟

讀以求治道與宋史脗合是書初刻於嚴陵淳熙

元年楊萬里出守臨漳過嚴陵為序行之理宗寶

憲

祐時宗室趙與憲以嚴陵版字小且訛易為大書

警校重刊有與自序即此本而缺其序

御題涑水編年著通鑑建安紀事別成書興亡本末為

金鑑條理因依若輔車雖有增前斯數典便稱續後此

開初淳熙紙墨香天祿玩味孜孜日警予乾隆乙未新

春御筆鈐乾隆雙璽

通鑑紀事本末 十四函 八十四冊

篇目同前楊萬里序後有趙興憲序

按此亦寶祐刊本而刷印稍後每卷首末有禮部

與憲

官書朱文長印考明史藝文志永樂四年命禮部

尚書鄭賜訪購遺書又朱彞尊經義考載明永樂

間勅翰院凡南內所儲書各舉一部于是修撰陳

循督舟十艘載書百積送北京又嘗命禮部尚書

鄭賜擇知典籍者四出購求遺書不特合宋金元

之所遺而滙於一旦奉使者復命必納書於庫縹

緗之富古未有也鄭賜當時官禮部董其事或所

採之書鈐以禮部官印是書似亦曾為所採也

闕補卷四 八十卷八 六十卷二十二 九十卷三十

欽定天祿琳琅書目

卷二

十七

八百卷四十二

通鑑紀事本末 六函 四十二冊

篇目同前趙楊二序有元陳良弼序其書家束
是書亦寶祐舊版據良弼序稱版藏趙與公家束
之高閣四十餘年延祐六年其孫趙明安售於良
弼置之嘉禾學宮為之序良弼號公輔宣城人時
為嘉禾郡文學掾出資購版以惠後學蓋好亦右
之士也書中雖間有字畫漫漶及補葉處然寔為
宋槧未可以元印而少之

闕補卷一 五 卷六 六 卷十 十 卷十一 十一 卷十二 十二

卷十三 十三 卷十四 十四 卷十五 十五 卷十六 十六 卷十七 十七

卷十八 十八 卷十九 十九 卷二十 二十 卷二十一 二十一 卷二十二 二十二

卷二十三 二十三 卷二十四 二十四 卷二十五 二十五 卷二十六 二十六 卷二十七 二十七

卷二十八 二十八 卷二十九 二十九 卷三十 三十 卷三十一 三十一 卷三十二 三十二

帝學 一函 四冊

宋范祖禹編八卷

宋史祖禹字淳甫神宗時進士甲科從司馬光編

修資治通鑑書成光薦為秘書省王字哲宗元祐

欽定天祿琳琅書目

卷二

十八

初擢右正言尋改著作即兼侍講在講筵八年蘇軾稱為講官第一嘗進唐鑑十二卷深明唐三百年治亂學者尊之目為唐鑑公是書亦唐時所進書後有嘉定辛巳青社齋礪跋載祖禹五世孫擇能宰高安刊置縣齋未幾散逸戶曹玉牒汝洋一日訪得元本俾銀木以永其傳云云考宋史宗室世系表汝洋為太宗長子漢王元佐八世孫齊礪無考按赤城志有齊碩者青社人以宣教即知自州則礪當屬其雁行也詳閱是書楮墨精好洵屬

嘉定時所刊者

御題此宋學士范祖禹編輯也上乙覽元本也成于元祐戊辰重刊於嘉定辛巳藏弄御府有年每於幾餘展閱不特芬流楮墨足脩石渠東觀之遺而自宓羲迄宋凡帝王務學求師之要燦然眉列寔為十秋金鑑董子有言彊勉學問則聞見博而知益明因題卷首以志自勗云乾隆甲子重九前一日鈐

寶二曰稽古右文之章曰乾隆宸翰又御題元祐成書心力殫逮于嘉定又重刊欣茲祖禹芸

金

編在不異九齡全鑑看務學求師著儀範修身蒞政示
倪端知之行矣吾猶忽綈几寧惟玩古觀乙未新正再
題鈴乾隆雙璽

吳

明吳寬藏本寬字原博長洲人成化八年會試廷
試皆第一授修撰累官至禮部尚書卒贈太子太
保謚文定最書印無考

叢

叢書

朱文

卷八

寬

朱文

跋未

諸史提要

二函
六冊

鑿恐鑿誤

宋錢端禮撰十五卷前劉孝韙序

宋陳振孫書錄解題載諸史提要十五卷參政吳

越錢端禮撰考宋史端禮於紹興間通判明州有

散高宗材之累遷至端明殿學士簽書樞密院院

事兼權叅知政事是書蓋其時所刊故序中有叅

政錢公之語端禮為吳越王錢鏐八世孫書中自

鏐以後諱皆缺筆孝韙自稱門下士未詳其人書

後載迪功郎前監潭州嶽廟李龜朋從事郎前平

江府吳縣尉主管學事徐似道迪功郎紹興府府

學教授胡紘校正李龜朋亦無考明凌迪知萬姓
統譜載徐似道天台人少負才名為吳縣尉受知
於范成大遷秘書監少監胡紘慶元人幼穎悟好
學讀書過目不忘累官至吏部侍郎出為廣東經
畧所至有能穀劉孝躔序稱門下士合辭以請則
龜朋等校正是書背出端禮之門牆者也

皆

晉府書印

朱文序首卷一
卷五卷七卷九
卷十卷十三卷十五

敬德堂書印

子孫永寶用

朱文卷二卷四卷六
卷八卷十卷十一卷十五

新唐書糾謬一函六冊

宋吳縝撰二十卷前自序後載縝進書表宋吳元
美後序

宋晁公武郡齋讀書志曰吳縝字廷珍成都人任
至郡守數新書初修之時其失有八類其舛誤二
十門凡四百餘事又宋王明清揮塵後錄載嘉祐
中詔宋景文歐陽文忠諸公重修唐書時有蜀人
吳鎮者初登第因范景仁而請於文忠願預官屬
之末上書文忠言甚懇切文忠以其年少輕挑拒

或恐成誤

之縝鞅鞅而去逮夫新書之成乃從其間指摘瑕疵
為糾繆一書至元祐中縝遊宦蹉跎孝為郡守與
五代史纂誤俱刊行之紹興中福唐吳仲寔元美
為湖州教授復刊于郡庠且作後序以為鍼膏肓
起廢疾杜預寔為左氏之忠臣然不知縝著書之
本意也吳元美宋史無傳考明凌迪知萬姓統譜
載元美福州人紹興中為福建安撫司機宜鄉人
鄭瑋告其家亭號潛光有心于黨李堂名高隱無
意于事秦秦檜惡之謫容州是書元美作後序時

為紹興戊子乃宋高宗紹興八年序稱直寶文閣
宇文時中自蜀來守吳興以郡庠有新唐書五代
史校本而吳君此書不可不附見遂令併刻之云
云此本密行小字楮墨甚精寔宋刊本之佳者宇
文時中在左中奉大夫直秘閣亦見迪知萬姓統
譜

御題新唐書糾繆宋吳縝所作也觀其離為二十門逐
條攷證摘舉舛誤洵稱犁然有當夫以宋代文學之臣
如歐陽修宋初者主持官局尚不免紕繆抵牾信史之

難置其然乎是書為尤刻舊本幾暇覽觀用誌數語於
 卷首乾隆甲子十月廿有八日鈐
 寶二曰莊敬曰強曰內府書畫之寶
 書後有明文徵明行書一行曰弘治丙辰春三月
 廿四日觀于唐子畏書樓文壁記按弘治丙辰為
 明孝宗九年書畫譜載徵明名壁以字行長洲人
 子畏係唐寅字吳縣人二人皆工書畫擅十名寶
 貴是書則在前明已難得矣子畏有印記
 本朝季振宜徐乾學均有收藏圖章

吳郡唐寅藏書印
 朱文序首
 卷七卷十三
 藏書
 朱文序首
 卷七
 乾
 朱文
 徐
 白文
 乾學
 序首

季印
 朱文
 振宜
 滄
 白文
 卷一
 季振宜
 朱文
 卷七
 字誦分
 號滄華
 卷十二

新唐書糾謬 一函 四冊

篇目同前缺吳元美後序

是書密行小字體式與前部同而筆畫較肥亦間
 有訛字蓋宋代翻刻之本後缺吳縝進表一葉及
 吳元美後序係本書所有而後經散逸者表末六

古

行墨筆補書而中仍缺一百二十四字注明缺文
補書者不知誰氏書中頗有校正訛字之處亦留
心考右之士惜所見非全本耳

明鴻臚顧汝修藏詳見後明板秦漢印統考證

本朝大學士蔣廷錫編修查慎行俱經收藏廷錫字

揚孫江南常熟人康熙癸未進士選庶吉士按編

修官至東閣大學士謚文肅慎行字悔餘號初白

浙江海寧人康熙癸酉舉順天鄉試以大學士李

光地薦入直

校

困

南書房癸未成進士選庶吉士授編修得樹樓即慎
行家樓名其武陵世家顧家因學齋諸印無考

得樹樓
藏書

朱文序首
卷六卷十

南書
房史官

白文

海寧查
慎行字
悔餘

白文

蔣揚孫
讀書記

朱文
俱冊首

武陵
世家

顧印

白文序首
卷六卷十

顧

蒙

印

朱文卷五
卷三十

顧

蒙

白文卷十三
卷二十

蔣揚
孫收
藏記

朱文
每冊

困學
齋

白文
卷十二

闕補

進表
未葉

欽定天祿琳琅書目

卷二

三十四

唐書直筆新例 一函 二冊

宋呂夏卿撰四卷後取新例須知一卷

宋史呂夏卿字縉叔泉州晉江人舉進士為江寧尉編修唐書直秘閣其學長於史貫穿唐事傳采傳記雜說數百家折衷整比又通譜學創為世系諸表於新唐書最有功晁公武郡齋讀書志稱夏卿強記絕人預修唐史此其在書局時所建明歐宋間有取焉此與新唐書糾謬版式相等想同時所錄蓋是時新書初成文學之士爭談史事各自

成書版行於世耳

本朝蔣廷錫查慎行藏本餘印無考

困學齋 白文

得樹樓 藏書

蔣揚孫 讀書記

查慎行 字悔餘 朱文

武陵世家

顧印 汝修

白文 俱一冊首

蓮 涇

太原叔子 藏書記

朱文 俱一冊首

王印 騰達

白文

毅 弘

朱文 俱一冊末 二冊末

唐宋名賢歷代確論 二函 二冊

欽定天祿琳琅書目

卷二

二十五

一百一卷無撰人姓名

宋陳振孫書錄解題云歷代確論一百一卷不知何人集自三皇五帝以及五代凡有論述者隨世次編次又宋史藝文志載名賢十七史確論一百四卷不知作者卷帙雖少異意即是此書其標題唐宋名賢疑為後人所加然宋志有詹玠唐宋遺史文又有無名氏唐宋名賢詩話蓋當時習有此稱按書中事涉宋主皆空格於宋諱均有缺筆且字畫刊印俱工信宋本也

每冊首末有緝熙殿文淵閣御府內殿諸璽則南宋明初此書俱登中秘後乃轉入收藏家有長洲文氏玉蘭堂辛夷館印鐫李項氏萬卷堂遠西邵諸印

本朝泰興李氏亦有印記

文淵閣印

朱文

內殿文璽

白文

御府圖書

朱文

項印篤壽

白文

萬卷堂藏書記

朱文

項元汴氏

朱文

墨林山人

白文

子宗父印

朱文

俱每冊首

梅溪精舍

玉蘭堂

白文

辛夷館印
李印
滄葦俱一冊首
御史白文
之章卷一

季振宜朱文
藏書二冊之末冊
遼西郡圖書印
朱文
緝熙殿書朱文
每冊

古列女傳 二函 八冊

漢劉向編八卷每傳有圖晉顧愷之畫
宋曾鞏列女傳序文傳凡八篇事具漢書向列傳
而隋書及宗文總目皆稱向列女傳十五篇曹太
家注以頌義考之蓋大家所注離其七篇為十四

校

向

與頌義凡十五篇而益以陳嬰母及東漢以來凡
十六事非向書本然也蓋向舊書之亡久矣嘉祐
中集賢板理蘇頌始以頌義編次復定其書為八
篇與十五篇者並藏於館閣而隋書以頌義為劉
歆作與白列傳不合今驗頌義之文蓋向之自序
又藝文志有向列女傳頌圖明非歆作也今校讐
其八篇及十五篇已定可繕寫云云晁公武郡齋讀
書志曰漢劉向撰凡八篇前有王回序其畧曰此
書有母儀賢明仁智貞慎節義辨通嬖孽等篇而

各頌其義圖其狀總為卒篇傳如太史公記頌如
詩之四言而圖為屏風然世所行向書乃分傳每
篇上下並頌為十五卷其十二傳無頌三傳同時
人五傳其後人通題曰向傳題其頌曰向子歆撰
與漢史不合故崇文總目以陳嬰母等十六傳為
後人所附予以頌考之每篇皆十五傳耳則凡無
頌者宜皆非向所奏書不特自陳嬰母所斷也頌
云画之屏風而史有頌圖在八篇中莫得而考以
向所序書多散亡獨此幸存而完復為他手竄疑

於其真而以頌證刪為八篇號古列女傳餘二十
傳其文亦奧雅可喜故又以時次之別為一篇號
續列女傳公武按隋經籍志有劉向列女傳十五
卷又有劉歆列女傳頌又有項原列女後傳今向
刪此書為八篇以合漢史得之矣至於疑頌非歆
作蓋因顏籀之言耳則未必然也二十傳豈項原
所作耶今合觀曾鞏王回晁公武所言各有異同
其以頌皆為劉向所作也則曾與王同而晁又據
隋經籍志以頌為出於歆手其以八篇為仍劉向

之舊也則曾王晁皆合而曾以陳嬰母以下十六
事非向書本然晁則以凡無頌者皆非向所奏書
蓋因其時向之舊書已亡而所流傳者又非一本
刪訂者亦非一人皆各就所據而言耳此本為宋
寧宗嘉定七年刊行前有武夷蔡驥按語云列女
傳頌義大序小序及頌或者皆以為劉向子歆所
作驥謹按階書崇文總目及本朝曾校書序則非
歆作明矣然崇文總目則以續二十傳無頌附入
向七篇中分上下為一十四篇并傳頌一篇共成

一十五篇今人則以向所傳列女傳七篇並續列
女傳二十傳為一篇共計八篇今止依此將頌義
大序列於目錄前小序七篇散見目錄中間頌見
各人傳後觀者宜詳察焉蔡驥宋史列傳不載其
云依令人所定不知出于誰氏之子書分八卷前
七卷以頌附傳後與曾鞏所訂傳七篇頌一篇定
為八篇者不合至無頌之二十傳王回所云號續
列女傳別為一篇者本在八篇之外此則刊為第
八卷書中每卷有顧愷之繪圖按曾鞏序中据執

建

文志有向列女傳頌圖一並未言及取校讐者有圖與否王回則云史有頌圖在八篇中莫得而考是愷之所繪二人皆未之見此獨燦若列眉宜藝林珍秘目錄後刊連安余氏印書中或稱靜菴余氏模刻或稱余氏勤有堂刊即岳珂九經三傳沿革例所稱建余氏也

御題劉向列女傳宋嘉定閩間中取刊圖書並列殆古遺製大內有顧愷之女史箴圖旁書箴文即董其昌刊入戲鴻堂帖者不知蘇子容所見列女傳画為墨跡耶

容

抑刻本也乾隆甲子秋九月御題鈐寶二曰乾隆宸翰曰搗筆流雲藻

錢謙益跋余藏列女傳古本有二一得于吳門老儒錢功甫一則丙戌入燕得于南城廢殿中皆僅免於劫灰此則內殿本也功甫指示余圖畫雖草畧尚是顧愷之遺製蘇子容嘗見舊本於江南人家其畫為右佩服而各題其頌像側今此畫佩服古樸坐皆尚右儒者在百世之下得見古人形容儀法非偶然者吾子其實重之余心識功甫之言

不敢忘近又簡吳中舊刻贊後有贊乃黃魯曾以已
作竄入與古文錯迕讀者習而不察久矣秦漢古
書多為今世妄庸大駁乳甚矣古本之貴重也壬
辰孟冬虞山蒙叟錢謙益題識考錢功甫名允治
長洲人錢穀之子黃魯曾字得之吳縣人正德丙
子舉人

琴川毛氏藏本內府長印未詳時代餘印無攷

內府

朱文
每卷

仲丙

朱文
卷一

毛晉

朱文
每卷

漁洋
山史印

白文
卷一

謝湖

朱文
卷一
卷三
卷五
卷七

吳生
元共

白文
卷二

闕補目錄

前三葉

卷八

末三
葉

方輿勝覽

四函三
十二冊

宋祝穆編七十卷呂午序祝穆自序祝洙跋卷首
有引用文集目一卷

書首有咸淳二年六月福建轉運使司禁止麻沙
書坊翻板榜文祝穆跋為咸淳丁卯季春丁卯係
咸淳二年是書當是咸淳二年開雕成于三年因

洙重訂是書故禁坊間翻刻舊版洙稱先君子方輿勝覽行於世者三十餘年版老字漫遣工新之重整凡例分為七十卷又云元本拾遺各入本州之下新增五百餘條並標出是此書不盡為祝穆之舊矣編次首浙西訖利州凡十七路每州郡分標事要二十門考穆字和甫嘗從朱子授業以儒學昌其家子洙寶祐中進士景定間為涵江書院山長郡守徐直諒薦其趨向不凡學問有本宋史載呂午字伯可歙縣人嘉定時進士官至中奉大

夫

孫齊之氏印無攷

孫氏齊之

白文卷六

闕補呂序 一 目錄九之卷一十九卷三十九卷四十五卷五十九卷九十七卷十五卷二十六卷三十八卷四十五卷五十八

宋版子部

纂圖互註荀子

一函八冊

欽定天祿琳琅書目

卷二

三十二

纂圖周荀况撰三十二篇唐楊倞注分二十卷前載楊
不序序後有歌器大路龍旗九旂三圖

宋陳振孫書錄解題曰漢志作孫卿子者避宣帝
諱也至楊倞始復改為荀分二十卷而注釋之淳
熙中錢佃耕道用元豐監本參校刊之江西漕司
其同異著之篇末凡二百二十六條視他本最為
完善云云據此則宋時刊刻荀子已非一本是書
標為纂圖互注書中於倞注外又加重言重意互
註諸例與經部宋本毛詩周禮春秋經傳集解三

書正同圖樣字體版式亦復相等蓋當時帖括之
書不獨有經也

序首董班生章一印無攷

董班
生章
白文
序首

闕補卷二一卷十八一卷二十二

南華真經 二函
十冊

用莊周撰晉郭象註唐陸德明音義十卷

宋龔公武郡齋讀書志曰按漢書志書本五十二

篇晉向秀郭象合為三十三篇內篇七外篇十五
雜篇十一唐世號為南華真經又宋戴埴曰今之
刊印小冊謂巾箱本起于南齊衡陽王鈞手寫五
經置巾箱中賀玠曰家有墳索何須蠅頭細書答
曰檢閱既易且手寫不忘諸王從而效之古未有
刊本雖親王亦手自抄錄今巾箱刊本無所不備
是宋時巾箱本盛行二世此書版高不及半尺較
之經部中五經及東萊家塾詩記尺寸尤縮小而
字畫倍加纖朗紙質墨光亦極瑩緻乃巾箱本之

于

最佳者

御書南華真經四字鈐

寶一曰乾隆宸翰又

御題大內宋鍍南華經傳自永樂間蠅頭細書紙香墨
古誠寶跡也古人有巾箱五經便於行役登臨觀覽斯
亦其類歟乾隆御題鈐

寶二曰乾隆宸翰曰稽古右文之璽

明王紱贊云柱下五千漆園萬言無適非道所賦
自天後來之士青出于藍萬幾攸暇展茲簡編玉

史工
堂秘本金匱奇鑄珍蒙睿覽永天勿諼中書舍人
臣紱奉勅參贊永樂二十二年歲次癸卯二月六
日考明吏王紱字孟端無錫人博學王詩能書永
樂間以善書供事文淵閣除中書舍人次葉有莊
子像上元程京夢書史記莊周傳京夢無考書類
明文氏父子畫筆亦秀逸不知誰作
華亭董其昌藏本有印記餘印無考

景文 朱文卷一 董印 朱文 景 朱文卷一 元子公 白文卷一 王郎記 卷十

王氏 白文卷一 董印 白文 四世 白文 痛飲 白文 世德 卷十 其昌 卷一 五公 白文 讀離 白文 騷 俱卷十

關補卷一 二

纂圖互註南華真經 二函 十冊

篇目同前首有郭象序次節錄莊子大宗師為太
極說而繪宋周敦頤太極圖于後并載圖說是書
於郭象注陸德明音義外復標互註合之荀子皆
一時所刊之書

書中有世禎印未知其姓又華善卿氏亦無考按

工
明有華愛字仁卿勤人正德道士歷桂林守直道
行人被劾落職家居鎮日以詩書目娛精古書法
尤土義獻行草為詩希盛唐風格見凌迪知萬姓
統譜善卿氏或其雁行也

世禎 朱文 卷一之九
華善 朱文 卷二卷三
卿氏 朱文 卷五卷七之十

纂圖互註南華真經 一函 五冊

篇目同前闕郭象序及太極圖記
此與前一部版式相同惟每葉左方欄線外俱刊

篇名卷數葉數於上宋版往往有此

琴川毛氏藏本有毛辰印辰字斧季晉季子精
于小學最知名見蘇州府志又有莫雲卿印考明
史莫如忠子是龍字雲卿後以字行更字廷韓十
歲能文長善書皇甫汈王世貞輩亟稱之以貢生
終又有華亭王氏王彥淳諸印無攷

高潔齋 朱文 篇目
汲古閣 朱文 卷六
毛辰 朱文 篇目
季 朱文 篇目
琅邪 朱文 篇目

華亭王 朱文 篇目
東吳毛 朱文 篇目
子晉 朱文 篇目
莫雲卿 朱文 篇目
賞識 朱文 卷一

毛晉 俱朱文卷一之三
卷五卷七卷八
周原 朱文
淳彥 白文 俱卷一
汲古 朱文 卷一 卷四
主人 朱文 卷七 卷八

毛氏 朱文 卷一 卷四
子晉 卷五 卷七
王氏 白文 卷四
子晉 朱文 卷四
江左 朱文 卷五
王生

毛晉 朱文 卷五
私印 卷六
王印 白文 卷六
彥淳 卷六
莫 白文 卷九
雲卿

戰國策 一函 八冊

宋鮑彪注十卷首宋王信序次彪序并載劉向曾鞏上目錄序二首

按曾鞏戰國策序云劉向所定戰國策三十三篇
崇文總目稱十一篇者闕臣訪之士大夫家始盡
得其書正其誤謬而疑其不可考者然後三十三
篇復完所謂三十三篇者東周一西周一秦五齊
六楚四趙四魏四韓三燕三宋衛一中山一陳振
孫書錄解題云尚書即括蒼鮑彪注以西周正統
所在易為卷首其注凡四易藁乃定王信序曰鄉
先生鮑公戰國策注余得其本刊之會稽郡齊序
為紹興辛亥作考宋史王信字誠之處州麗水人

紹興進士官至通議大夫嘗以集賢殿修撰知紹興府山陰境有狨獠湖四環皆田歲若潦信劍啟斗門築十一壩化滙浸為上腴民繪像以祀更其名曰王公湖此書蓋即知紹興府時所刊也

農蠶書

一函
一冊

宋陳旉農書三卷秦觀蠶書一卷附樓璘耕織圖

詩

按宋史藝文志陳旉農書三卷陳振孫書錄解題

云農書三卷稱西山隱居全真子陳旉撰未詳何人其書曰田曰牛曰蠶洪慶善為之後序慶善係洪興祖字又云秦少游蠶書見少游淮海集第六卷云云此本二書合刻係宋汪綱守高郵時所編其跋農書畧云高沙素稱沃壤每歲豐歲則長淮所賴以儲畜者糴於此以取足焉余曩得農書一帙凡耕桑種植之法纖悉無遺竭耒守此視事之初急鋟諸木以為邦人勸孫鏞蠶書跋云高沙之俗耕而不蚕郡太宗汪公取秦淮海蠶書于予曰

子謂高沙不可以蠶此書何為而作乎乃命鋟木與農書並傳焉二跋俱為嘉定甲戌按甲戌為宋寧宗嘉定七年後附樓璉耕織圖詩並錄璉孫洪錡石題識稱嘉定庚午蓋汪綱刻書時見此石刻遂併取之以附於二書之末耳宋史汪綱字仲舉黟縣人淳熙中中銓試調鎮江司戶叅軍歷知平陽弋陽蘭溪太平諸縣又以選知高郵軍進直煥童閣知紹興府權戶部侍郎致仕綱學有本原多聞博記兵農醫卜陰陽律歷諸書靡不研究所著有

恕齋集左帑志漫存錄史雖未載此書而記其知高郵時嘗增修興化堤堰以興水利政績甚多蓋留心經濟宜以勸課農桑為急務也

橋李頃氏泰興季氏藏本有印記

御史
振宜
之印

白文

農書序

李振宜
藏書

朱文

農書上

萬卷
堂藏
書記

朱文

農書中

項靖
之印

橋李頃
藥師藏

俱朱文
農書下

容齋三筆

一函
四冊

宋洪邁著十六卷邁自序

宋史洪邁字景廬博極載藉雖禪官虞初釋老旁

行靡不涉獵有容齋五筆夷堅志行於世陳振孫
書錄解題去容齋隨筆續筆三筆四筆各十六卷
五筆十卷每編皆有小序五筆未成書此三筆自
序成於慶元二年凡二百四十八則目錄後記臨
安府鞞鼓橋南河西岸陳宅書籍鋪印考杭州府
志鞞鼓橋屬仁和縣境今橋名尚沿其舊與洪福
橋馬家橋相之在杭州府城內西北隅按魏了翁
鶴山集書苑菁華序云臨安鬻書人陳思集漢魏
以來論書者為一編最為該博又南宋六十家小

集亦陳思彙編書尾皆識臨安府棚北大街陳氏
書籍鋪刊行方田瀛奎律髓載陳起睦親坊開書
肆自稱陳道人起字宗之能詩凡江湖詩人皆與
之善嘗刊江湖集以售時又有賣書者號小陳道
人據此則當時臨安書肆陳氏多有著名惟陳思
在大街陳起在睦親坊即今弼教坊皆非鞞鼓橋
之書鋪也

御題洪忠宣皓節並蘇典屬國而時會之難有過之其
子邁博學淹通壽登耆耄為宋宿儒孫亦世其家教善

人有後矣邁所著容齋隨筆雜誌今古以傳其所聞此為隨筆之三真宋銀也乾隆御識鈐

寶三曰稽古右文之璽曰乾隆宸翰曰萬國彙編寤寐中

正統十二年崖菴重志

十六卷末

右識語一崖菴未詳其人此書歷經長洲文徵明橋李項篤壽泰興季振宜崑山徐乾學收藏俱有印記餘無考

翠竹齋

鏡硯齋

玉蘭堂

梅谿精舍

俱白文

辛夷館

朱文俱序首

滄葦

朱文墨印序首卷九

季振宜藏書

朱文墨印序首

崑山徐氏家藏

竹塢

江左

俱朱文序首

項篤壽字于加

白文序首卷五卷十三

朱印子儋

白文序前目錄卷一卷八卷九卷十六

有吳廷陵李

朱文序末

秋兩滴梧洞

杏花春雨江南

馬生角

聖師苗裔

俱朱文目錄

季大斗字子祈

白文卷一

瀛州漫夫

朱文卷四卷十五卷十六

東海徐氏

白文卷九

滋

朱文卷九

姜本

朱文楊州季氏

振宜之印

朱文墨印俱卷九

關補卷八葉末

程氏演蕃露

一冊

宋程大昌撰六卷前自序陳應行跋

考宋史程大昌字泰之休寧人十歲能屬文登紹興二十一年進士第主吳縣簿擢太平州教授召為太學正試館職為秘書省正字孝宗即位遷著作佐郎選為恭王府贊讀擢國子司業兼權禮部侍郎直學士院繼除浙江提點刑獄徙江西轉運副使尋命權刑部侍郎升侍講兼國子監祭酒給事中累遣權吏部尚書以行中外更迭之制力請

郡遂出知泉州汀州遷知建寧府光宗嗣位徙知明州尋奉祠紹熙五年請老以龍圖閣學士致仕慶元元年卒賜謚文簡大昌篤學於古今事靡不考究有禹貢論易原雍錄易老通言考古編演蕃露北邊備對行於世此書有泉州州學教授陳應行跋稱淳熙庚子分教溫陵始得其禹貢圖論繼又得其考古編演蕃露二書亟命繕寫銀木以傳於淳熙辛丑竣事按辛丑為淳熙八年合之宋史大昌出知泉州當在其時宋陳振孫書錄解題載

蕃露十四卷續六卷今書祇六卷乃十四卷已佚
而此特其續者應行字季陵建安人文献通考載
其所撰之書有杜詩六帖十八卷
明焦竑藏本有印記考明史竑字弱侯江寧人萬
歷十四年進士殿試第一官翰林修撰博極群書
自經史至稗官雜說無不淹貫善為古文曲麗馴
雅集名澹園蓋竑所自號也餘三印俱無考

澹園
焦氏
珍藏

朱文

子孫
保

白文
俱序首
卷四

抱甕
軒

白文
目錄

竹浪
齋品

白文
卷一

嘯堂集古錄

一函
二冊

宋王洙撰分上下二卷首宋李昉序後宋曾機跋
文獻通考載宋陳振孫語曰王洙子升撰李昉漢
老序之稱故人長孺之子未詳何王氏也皆錄古
彝器款式自高迄秦凡數百章以今文釋之疑者
闕焉是王洙在振孫時已無可考按宋史李昉任
城縣人中徽宗崇寧五年進士第高宗紹興間累
官資政殿學士卒謚文敏有草堂集一百卷此書
昉序稱與洙父同鄉又為同年進士則洙之家聲

焉

里開約畧可知俅於邛為後進成書時當在南渡以後書末有跋其署名處闕去考宋版翻刊本乃淳熙丙申廬陵曾機所撰跋中稱是書最為後出奇文名蹟自高及秦凡數百章尤為精彩初不曉其前晦而今見固得其鈔版試摘所藏邵康節奏權篆銘較之毫髮不舛益信于弁褒類之不妄敬書于後且掇古人所為觸物存誠之意以拜之云云丙申為宋孝宗淳熙三年去紹興間未遠曾機無考當亦好古博雅之士也

書中收藏印記三俱無考卷下載古印章處下方鈐有朱印雜複不論篆刻亦出俗手非鑒賞家所為故不採錄

成趣堂

朱文卷上
卷下

武陵郡
圖書印

朱文
卷下

聽雪居
士圖書

朱文
卷下

太學新編排韻字類

八函六
十四冊

宋李錫虞韶撰上平韻十五卷下平韻二十三卷上韻十五卷去韻十五卷入韻八卷共七十六卷是書卷首利昭武李錫建安虞韶編次考之宋史

列傳二人俱不載藝文志內亦未列此書然標題
之上冠以太學新編二人似曾肄業於太學者按
經義考云天下印書福建本幾徧天下錫詔俱閩
人當是閩中刊行之書且版高半尺乃中箱本亦
宋所盛行者字朗紙堅瑩然可寶

御題此宋太學本也依韻分編備散律之用與選青賦
箋同屬閩中所刊跡其字古墨香藏之秘府足為縹緗
生色乾隆甲子秋日御識鈐
寶二曰乾隆宸翰曰幾暇臨池

收藏印記二俱無考

古杭瑞南高士深藏書記

朱文目錄上平聲卷二卷四卷七卷九卷十卷十三下平聲卷一卷四
卷九卷十卷十三卷十六卷三十一卷四十一卷四十七卷五十三
去散卷三卷四卷六卷八卷十入散卷三卷五卷七

千里墨主萬花居


朱文上平聲卷一卷三卷六卷八卷十
卷十二卷十五下平聲卷三卷六卷九卷十二
卷十五卷二十三上散卷十五

闕補目錄 上平聲 卷一 卷二 卷三 卷四 卷五 卷六 卷七 卷八 卷九 卷十 卷十一 卷十二 卷十三 卷十四 卷十五 卷十六 卷十七 卷十八 卷十九 卷二十 卷二十一 卷二十二 卷二十三 卷二十四 卷二十五 卷二十六 卷二十七 卷二十八 卷二十九 卷三十 卷三十一 卷三十二 卷三十三 卷三十四 卷三十五 卷三十六 卷三十七 卷三十八 卷三十九 卷四十 卷四十一 卷四十二 卷四十三 卷四十四 卷四十五 卷四十六 卷四十七 卷四十八 卷四十九 卷五十 卷五十一 卷五十二 卷五十三 卷五十四 卷五十五 卷五十六 卷五十七 卷五十八 卷五十九 卷六十 卷六十一 卷六十二 卷六十三 卷六十四 卷六十五 卷六十六 卷六十七 卷六十八 卷六十九 卷七十 卷七十一 卷七十二 卷七十三 卷七十四 卷七十五 卷七十六 卷七十七 卷七十八 卷七十九 卷八十 卷八十一 卷八十二 卷八十三 卷八十四 卷八十五 卷八十六 卷八十七 卷八十八 卷八十九 卷九十 卷九十一 卷九十二 卷九十三 卷九十四 卷九十五 卷九十六 卷九十七 卷九十八 卷九十九 卷一百

欽定天祿琳琅書目

卷二

四十五



欽定天祿琳琅書目卷二

Faint handwritten text in seal script, likely bleed-through from the reverse side of the page.

